

Program Book Review JAS



KEMENTERIAN SUMBER ASLI, ALAM SEKITAR
DAN PERUBAHAN IKLIM
JABATAN ALAM SEKITAR



Buku **Anda dan Alam Sekitar** merupakan karya daripada **Haliza Abdul Rahman** dan telah diterbitkan pada 2019 oleh Penerbit **Universiti Putra Malaysia (UPM)**. Buku ini mengandungi 101 muka surat.

Buku ini memberi penekanan bahawa perkembangan zaman moden dan aktiviti manusia yang tidak mampan telah menyebabkan tekanan serius terhadap alam sekitar. Kehidupan manusia yang tidak seimbang dengan alam boleh menyebabkan kerosakan dan kemusnahan yang tidak dapat dibendung. Sebagai contoh, di Malaysia telah berlaku peningkatan bencana alam seperti tanah runtuh, banjir dan kemarau akibat kegiatan manusia yang tidak bertanggungjawab.

Secara umumnya, buku ini dihasilkan bertujuan memberi pendidikan kepada masyarakat untuk mengenali alam sekitar, menyedari kepentingan memelihara alam sekitar dan bagaimana kita sebagai seorang masyarakat berperanan dalam menjaga kelestarian alam sekitar. Oleh itu, penulis menyetengahkan elemen berkisar manusia sebagai khalifah yang memakmurkan alam. Memakmurkan alam sekitar meliputi segala aspek kehidupan manusia yang berkaitan dengan alam, termasuk hubungan manusia dengan Tuhan, hubungan sesama manusia, dan hubungan manusia dengan alam sekitar secara keseluruhan. Ini bermakna mengekalkan keseimbangan ekosistem, mengekalkan biodiversiti, mengelakkan pencemaran alam sekitar, menggunakan sumber semula jadi dengan bijak, dan menghormati hak makhluk lain di bumi (flora dan fauna).

Kesimpulannya, manusia mempunyai tanggungjawab yang besar dalam menjaga alam sekitar sebagai khalifah Allah. Kita mesti menghormati, melindungi dan mengekalkan semua komponen semula jadi untuk kesinambungan kehidupan. Dalam menjalankan tugas sebagai khalifah, kita perlu mengamalkan pendekatan yang mampan dan bijak dalam menggunakan sumber alam demi memakmurkan alam semula jadi dan mengekalkan kehidupan yang seimbang di muka bumi.

Siti Aishah binti Razak (s.aishah@gmail.com)
Safariza binti Abu Bakar (safariza@doe.gov.my)
JAS Negeri Kelantan